



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Pretiosae Occvpationes Morientivm In Societate Iesv

Nádasi, János

Romae, 1657

Cap. XXXI. Prouidentia contra tentationes.

**urn:nbn:de:hbz:466:1-45415**

dixit sæpius : *Rex tremenda Maiestatis, Qui saluandos saluas gratis, Salua me, fons pietatis.* Tum nomina Cælitum Patronorum è libello ad id à se conscripto sibi legi petijt, eos supremum rogans vt sibi volentes, benigniq; adessent.

Libellus pro morte conscriptus.

10 *M. Ladislaus Czaplinski* iam ad mortem omni apparatione instructus poposcit libellum in quo sibi varia pietatis officia annotarat : & illum legens, identidem ingeminare auditus est hæc verba simplici & candido & loquendi & sentiendi modo : *O si me, omnesq; animi & corporis mei vires distillare possem vel in unam guttulam gustus & beneplaciti Maiestatis diuine!* Pragæ moriens *P. Iacobus Ignatius* petijt sibi legi eas quas iaculatorias dicimus orationes, eo à se fine iam pridem collectas, vt illas inter moriendum audiret, raras planè, ac tempori supremo prorsus idoneas.

18. Aug. 1639. et 23 Califfi.

1654. 6. Aug.

## C A P V T X X X I.

*Pretiosa egri occupatio Providentia contra tentationes.*

1 **I** Pso Visitantis Virginis Deipare die (id est biduo ante mortem *P. Aegidij Angli*, qui Magistri Nouitiorum Socius fuit) vt refert hist. Soc. Pragæ Collegij co-  
quus,

1571. 2. Jul. 4. Jul. n. 61.

Christus  
ægrū dex-  
tro bra-  
chio sus-  
tinet.

quus, religiosā simplicitate ac pietate insignis, Visitantis *Deipara* festo diei congruens orationis argumentum dum piè meditare-  
tur, vidit locum splendore cælesti perfusum, et in illa luce Christum, qui Aegidium dextro brachio sustinebat. Et verò illam Christi dextro omninò brachio se sustententis opem expertus est Aegidius; quando cruentam illam bestiam, quam S. Martinus moriens abegit, et ipse vidit; sed *Dei* benignitate victor. Quò verò propiùs accedebat hora exuendæ mortalitatis, inquit historicus, eò Aegidius exultabat magis, ac gestiebat. Nil eius ex ore audiebatur, nisi; *venite, exultemus Domino: Exultate, iusti, in Domino: Exultabunt Sancti in gloria.* Ita victor ille spiritus cum Maria in *Deo* salutari suo exultans corpus deseruit non inuitus.

28. Oct.  
1621.

Actus fe-  
stiores de-  
scripti, &  
collo ap-  
penso.  
Velle  
quod vult  
Deus.  
Amulecum  
contra  
tentatio-  
nes.

2 Cæsaraugustæ discedens è mortalium numero P. Hieronymus Pomar præclarum contra tentationes quasi amuletum habuit frequentes et ardentes quosdam actus coniungendi voluntatem suam voluntati *Dei*; ac alios qui schedæ inscripti, et collo illius, reliquiarum instar, appensi reperti sunt sub illius mortem Hispanicè in hæc verba, in hunc planè sensum. *Deus meus! voluntas mea tua est in toto & per totum, nunc, & semper, & in omnibus instantibus vita mea. Atq; ita quod tu vis à me, volo ego; quod non vis, nolo: non consentio*

*sentio cogitationi male ulli, quaecunq; demum illa sit, &c. O mi Deus, adiua me in hoc sancto proposito. Moriar ego millies, & mille fulmina me occidant, antequam ego te offendam, etiam venialiter. Et in singulis ac omnibus tentationibus, me remitto & attendo ad hoc scriptum: nec volo consentire ulli rei contra tuam voluntatem. Hieronymus Pomar.*

3 Mortuus est Duaci P. Philippus Corbault nouis semper modis ad Beatissimæ Virginis cultum latè in adolescentibus propagandum pijsimè ingeniosus. Visus est paucis ante mortem horis tentatione quapiam (fortè inanis gloriæ) obiectà pugnantis instar strenuus. vnde hæc tunc ex eius ore audita: *Deus meus, nunquam te deseram! Sanctissima Maria, semper te diligam!* Tum altà voce ad quempiam quasi præsentem dixit: Licèt tu, et omnes dæmones velint, nunquam faciam etiamsi essem in inferno: *Dirigo omnes actiones meas ad maiorem Dei gloriam.*

24. Sept.  
1622.

Contra  
tentationes

4 Claudio Voley Coadiutori Camberij inclinante iam vità adfuit magna dæmonum caterua, truci horrendoq; aspectu, vt ad S. quondam Antonium, leonum, vrsorum, taurorum, draconumq; portentosis formis ægrum territura; quibus voces congruæ respondebant ad deturbandum de spei arce Claudium. At ille inter pugnam Cælites auxiliares accersere, coniunctisq; viribus tor-

Annus  
1610.

toris

Solacium  
à Cruci-  
fixo.

toris conatus retundere. Cùm autē se ab illo metu tantillum reuocasset, spectandum se obtulit athletæ suo cælestis agonothesa, veluti clavis Cruci affixus; et illum sermone dignatus, pauentem erexit; pollicitusq; est ad extremas vitæ metas (ne diffideret) affuturum.

5 *P. Mutius Cesarinus* vltimùm æger grani longâq; luctâ cum aduersario damone colluctatus, *Deo* victoriam gratulaturus, palmam sibi afferri petijt, et dixit: *Vicinus! vicinus!* Ita triumphalem mortem spe dulci plenus oppetijt.

6 Demus nunc operam vt *Iesum*, et *Mariam* cum Sanctis propitios in agone illo agonothesas habeamus, cùm nostræ nobis vires non nisi ad ruinam sufficiant. Rogemus, vt in nobis *Iesus*, et *Maria* suas coronent victorias. *M. Gabrieli Bayle* morti proximo oblata est *Deipara* Cælitum frequentissimo septa comitatu: ac deinde *Christus* ipse, manibus texens corollam.

7 Quo die *Antonius Faustinus* Coadiutor, fuit sepulturæ mandandus, aduenit energumena, cuius ore nequam spiritus cum magno stridore exclamabat, indignatus homuncionem verrendis templis destinatum, illuc tandem peruenisse, vnde ipse in perpetuum fuisset deturbatus. illudq; addebat; se ab eo torqueri, cogiq; dimittere quosdam è socijs suis.

Annua  
Gerundens. 1614.  
B. V. cum  
choro San-  
ctorum  
Christus  
corollam  
texens.  
Annua  
Novellar.  
1508.

suis. Interrogarunt quidam, quid ita perstreperet in obitu eius hominis, cum plurimis alijs vità functis, qui vità nihilominus probatà extissent, nihil omninò dixisset? quia, respondit, ita *Deus* iubet, qui me per hunc hominem, non per illos torquet, vultq; constare apud homines hunc iam cælesti glorià potiri. Interrogauit alius: quisnam præcipuè ex Beatorum choro astitisset, opemq; tulisset animam exhalaturo? *Beatam Virginem*, respondit, & *Ignatium Societatis Autorem: Angelum* præterea eius Custodiæ destinatum ita, postremis illis temporibus astitisse, vt non sit passus eum vlla in re à quoquam ex tentatoribus spiritibus agitari.

8 Necessarium cum primis est ægro, vt Confessarium, & illius, ac suum Angelum, Custodem roget, vt opportuna suggerant in illo articulo in medium afferenda. *P. Carolus Garnier*, in odium fidei in Indijs Gallicis internectus, solebat eorum, quos ad mortem disponebat Custodes Angelos inuocare. Visus illi est adesse Angelus aliquando cum ægro adstaret morti iam proximo. Vnde; videbatur aiebat æger ille, illustrem iuuenem lateris *P. Caroli* stipatorem. Hic mihi hortator fuit, vt *P. Caroli* monitis obedienter parerem, atq; illius ductu proficere impensè conniterer.

9 Amore *Dei* omnia mortis pericula peruincuntur. Eliciendi frequenter amoris

li

Dei

B. V. &  
S. P. Ign.  
morientem  
iuuant.  
Item An-  
gelus Cu-  
stos.

29. Maii  
1649.

Angeli  
Custodes  
ægri, &  
confessarij;

Rho  
 exempl. l. i.  
 c. 1, n. 15.

Dei actus . Ita P. Balthasar Alvarez sub vitæ finem dicebat; *religiosas domos videri sibi nosocomia diuinà charitate vulneratorum : fornaces item, in quibus innumerabilibus Dei donis, quasi subditis ignibus, corda quantumuis lapidea, amore soluerentur . Sic vulnerato dæmon vulnus nouum non potest imponere .*

10 P. Petrus Ant. Spinellus supremo apud Deum contra dæmones præsidio Beatam Virginem & Angelos pro extrema hora delegit, eamq; horam totam illius & illorum memorià occupauit: per semihoram cum Beatissima Virgine egit negotium felicitis migrationis ad æternitatem; illud identidem ingeminare auditus: *O Domina mea, qua docuisti me à iuuentute mea; usq; in senectam, & senium ne derelinquas me . Ad Angelos: Laudate Dominum, omnes virtutes eius: Laudate eum, omnes Angeli eius. Subuenite, Angeli Dei. & obijt.*

Roma  
 14. Dec.  
 1615.

Biblioth.  
 Script.

Pietas erga  
 SSS. Tri-  
 nit.

11 P. Petrus Maturus Gallus contra omnia quæ in morte aduersa possunt accidere, habuit pro asylo cultum SSS. Trinitatis . de illo sic Alegambe: Nescio quàm mentis tenerritudine colliquefcebat totus, cum SSS. Trinitatis Mysterium recolebat (recolebat autem læpissimè, maximè sub diei exortum) vix vt vllus domi esset, cuius non aliquando pietatem ea in sene pietas excitarit. In eiusdem Sacrosanctæ Triadis honorem, Symbolum quotidie D. Athanasij magno permotæ mentis

tis sensu decurrebat: affirmabatq; eò sibi mortem placidiorem aduentare, quòd ab ea in Sanctissimæ Trinitatis Domo (id enim Lugdunensi Collegio nomen est) occuparetur.

12 Contra mortis turbamenta Roberto Cardinali nostro Bellarmino fuit Crucifixus capiti, & postea pectori inter amplexus impositus: *Credo, Miserere, Pater noster, Ave Maria, & Iesus Maria* frequentissimè iterata. Possset etiam ad Sancti alicuius corpus aut reliquias, vel ad B. V. facellum aut celebrem imaginem mitti quispiam ex amicis ad id propensis, ad opem amico laboranti enixius flagitandam. P. Petrus le Brun admirabilis per ipsos 50. annos absq; vllò leuamento patientiæ vir, hæc tantum verba; *O mi Deus!* habebat pro dolorum condimento. Mentuebat verò ne tentator dæmon, & dolores tanti verbum aliquod amatore Crucis indignum inter suprema vel inuito exprimerent. Quocirca duos è Societate rogauit, vt petendi pro eo articulo supremi auxiliij causa, ad 4. ferè leucas celebre Beatiss. V. facellum inuiserēt. Abiere, ac rediere duo illi voto potiti feliciter. Nam fufis ad B. V. precibus continuò remisit calculi, seu octo calculorum qui in illo postea reperti sunt, dolor: & ille piè, placidèq; decessit.

Viriduni  
19. Febr.  
1656.

13 P. Vincentius Caraffa in itinerario ad alteram vitam suggerit, vt benedictam

*palmam* habeat æger in manibus, vel ad lectum. hoc enim ait esse reipsa à *Deo* victoriam petere contra inimicos, & triumphum in caelo. Si palma non adsit, valebit etiam oliuæ ramus benedictus: vt requiescas à bello victor in æternà pace.

14 Iuuat contra tentationes cælum totum, Sanctorumq; choros singulos obire; auxilium petere; actibus doloris, et amoris *Dei* occupatum esse; quempiam meditatè illa legentem audire quæ sunt in commendatione animæ; sæpè in vita sacrificia pro felici agone curare, item pro defunctis, vt ope sua morientibus nobis assistant; deniq; SS. Synaxi sæpè refici; et, si per morbum licet, quotidie.

## C A P V T X X X I I.

*Aegri pretiosa occupationes varia aliorum preparationes.*

3i Febr.  
1620. No-  
uellariz.  
Præparent  
nos ad  
mortem,  
dolores  
donati ani-  
mabus  
purgatorii:  
Et exerci-  
tia.  
16. Aug.  
1649.

1 **I**osephus Braccus Coad. singulis horis aliquid pro animabus purg. orabat: morbi sui dolores omnes donauit iisdem: vt ab illis moriens iuaretur. *P. Martinus Stredonius* Brunæ Præpositi Prouincialis munere, et vità, defunctus est. Vnum mensem ad obeunda S.P.N. exercitia petebat, pro præparatione ad mortem.

2 Alterum præparationis adiumentum  
illi